

## № 9-дәріс.

### Тақырыбы: Екінші ретті және жоғарғы ретті сызықты біртекті коэффициенттері тұрақты дифференциалдық теңдеулер.

Жоғарғы ретті сызықтық дифференциал теңдеулерді қарастыралық.

**Анықтама 1.** Егер сызықты дифференциалдық теңдеудегі:

$$L[y] = y^{(n)} + a_1 y^{(n-1)} + a_2 y^{(n-2)} + \dots + a_{n-1} y' + a_n y = f(x), \quad (1)$$

коэффициенттері деп аталатын барлық  $a_i$ ,  $i = 1, n$  - тұрақты сандар болса, онда ол тұрақты коэффициентті сызықты дифференциалдық теңдеулер деп аталады.

### Жоғарғы ретті біртекті дифференциалдық теңдеулер.

Оң жағы нөлге тең болатын теңдеулер жүйесінің фундаменталдық шешімдер жүйесін табайық:

$$L[y]=0 \quad (2)$$

Оның дербес шешімін  $y = e^{kx}$  түрінде іздейміз, мұндағы  $k$  - қандай да бір тұрақты. Осы тұрақтыны табалық. (2)-ге  $y = e^{kx}$  қойсақ:

$$L[e^{kx}] = e^{kx} (k^n + a_1 k^{n-1} + a_2 k^{n-2} + \dots + a_{n-1} k + a_n) = 0.$$

$\forall x: e^{kx} \neq 0$  болғандықтан,  $y = e^{kx}$  (2) теңдеуінің шешімі болады, егер  $k$  мінездемелік деп аталатын мынадай алгебралық теңдеудің түбірі болса:

$$k^n + a_1 k^{n-1} + \dots + a_n = 0.$$

$n = 2$  жағдайы үшін фундаменталдық шешімдер жүйесін табу мәселесіне тоқталайық:

$$y'' + py' + qy = 0. \quad (3)$$

Бұл теңдеудің мінездемелік теңдеуі былай болады:

$$k^2 + pk + q = 0. \quad (4)$$

Ол алгебралық квадраттық теңдеу болғандықтан, мынадай жағдайлар болуы мүмкін:

1)  $D = p^2 - 4q > 0$ . Онда  $k_1 \neq k_2$  - (4) теңдеуінің нақты түбірлері.  $y_1 = e^{k_1 x}$  және  $y_2 = e^{k_2 x}$  дербес шешімдері фундаменталдық шешімдер жүйесін құрайды, себебі

$$W[y_1, y_2] = \begin{vmatrix} y_1 & y_2 \\ y_1' & y_2' \end{vmatrix} = \begin{vmatrix} e^{k_1 x} & e^{k_2 x} \\ k_1 e^{k_1 x} & k_2 e^{k_2 x} \end{vmatrix} = e^{(k_1+k_2)x} \cdot \begin{vmatrix} 1 & 1 \\ k_1 & k_2 \end{vmatrix} = e^{(k_1+k_2)x} \cdot (k_2 - k_1) \neq 0, \text{ өйткені } k_1 \neq k_2.$$

Сызықты теңдеулердің жалпы теориясын қолданып, (3) теңдеуінің жалпы шешімін аламыз:

$$y = C_1 e^{k_1 x} + C_2 e^{k_2 x} \quad (5)$$

2)  $D = p^2 - 4q < 0$ . Түбірлері түйіндес комплекс сандар:  $k_{1,2} = \alpha \pm i\beta$ . Теңдеудің дербес шешімдері былай болады:  $y_{1,2} = e^{(\alpha \pm i\beta)x} = e^{\alpha x} \cdot e^{\pm i\beta x} = e^{\alpha x} (\cos \beta x \pm i \sin \beta x)$ .

Сызықты операторлардың қасиеттерінен:  $L[U(x) + iV(x)] \Rightarrow L[U] + iL[V] \equiv 0 \Rightarrow L[U] = 0$  және  $L[V] = 0$  екендігі шығады, яғни, теңдеудің фундаменталдық шешімдер жүйесі  $y_1 = e^{\alpha x} \cos \beta x$ ,  $y_2 = e^{\alpha x} \sin \beta x$  функцияларынан тұрады. Ендеше, теңдеудің жалпы шешімі:

$$y = e^{\alpha x} (C_1 \cos \beta x \pm C_2 \sin \beta x). \quad (6)$$

3)  $D = p^2 - 4q = 0$ . Онда  $k_1 = k_2 = k = -\frac{p}{2}$ . Тек бір ғана шешім табамыз:  $y_1 = e^{kx}$ . Бірінші шешім  $y_1$ -ге тәуелсіз теңдеудің екінші шешімін табамыз. Шешімді  $y_2 = U(x)e^{kx}$  түрінде іздейміз.

$$L[y] = e^{kx} \cdot [u'' + (2k + p)u' + (k^2 + pk + q)] \Rightarrow u'' = 0 \Rightarrow u = Ax + B \Rightarrow |A = 1, B = 0| \Rightarrow u = x.$$

Тендеудің фундаменталдық шешімдер жүйесі мына түрде болады:  $y_1 = e^{kx}$ ,  $y_2 = xe^{kx}$ , себебі  $W[y_1, y_2] \neq 0$ . Онда берілген дифференциалдық тендеудің жалпы шешімі:

$$y = C_1 e^{kx} + C_2 x e^{kx}. \quad (7)$$

Сонымен, жалпы жағдайда, (2) тендеуінің шешімін алу үшін:

1) мінездемелік тендеуді құру және оны шешу

2) тендеудің фундаменталдық шешімдер жүйесін табу:

А) әрбір бір еселі  $k$  нақты түбіріне  $y = e^{kx}$  дербес шешімі сәйкес келеді.

Б) Бір еселі әрбір  $k_{1,2} = \alpha \pm i\beta$  комплекс түбірлер жұбына  $y_1 = e^{\alpha x} \cos \beta x$ ,  $y_2 = e^{\alpha x} \sin \beta x$  екі дербес шешім сәйкес келеді.

В) әрбір  $r$ -еселі  $k$  нақты түбіріне  $r$  дербес шешім сәйкес келеді:

$$y = e^{kx}, \quad y_2 = x e^{kx}, \quad y_3 = x^2 e^{kx}, \quad \dots, \quad x^{r-1} e^{kx}.$$

Г) әрбір  $r$ -еселі  $k = \alpha \pm i\beta$  комплекс түбірлеріне  $2r$  шешім сәйкес келеді:

$$y_1 = e^{kx} \cos \beta x, \quad y_2 = x e^{kx} \cos \beta x, \quad y_3 = x^2 e^{kx} \cos \beta x, \quad \dots, \quad y_r = x^{r-1} e^{kx} \cos \beta x,$$

$$\bar{y}_1 = e^{kx} \sin \beta x, \quad \bar{y}_2 = x e^{kx} \sin \beta x, \quad \bar{y}_3 = x^2 e^{kx} \sin \beta x, \quad \dots, \quad \bar{y}_r = x^{r-1} e^{kx} \sin \beta x,$$

Дербес шешімдердің саны тура  $n$ -ге тең және олар фундаменталдық шешімдер жүйесін құрайды.

3) жалпы шешімін жазу:  $y = C_1 y_1 + C_2 y_2 + \dots + C_n y_n$ .

*Мысал 1.* Берілген тендеудің жалпы шешімін тап

$$y^{IV} - 2y'' = 0.$$

*Шешуі.*

а) Мінездемелік тендеуді құрып, оны шешеміз:

$$k^4 - 2k^2 = 0 \Rightarrow k^2(k^2 - 2) = 0 \Rightarrow k_{1,2} = 0, \quad k_{3,4} = \pm\sqrt{2}.$$

б)  $y_1, y_2, y_3, y_4$  фундаменталды шешімдер жүйесін табамыз.

$$k = 0 - \text{екі еселі түбір, онда: } y_1 = e^{0x} = 1, \quad y_2 = x \cdot e^{0x} = x.$$

$$k = -\sqrt{2} \Rightarrow y_3 = e^{-\sqrt{2}x}, \quad k = \sqrt{2} \Rightarrow y_4 = e^{\sqrt{2}x}.$$

в) Жалпы шешімі:  $y = C_1 + C_2 x + C_3 e^{-\sqrt{2}x} + C_4 e^{\sqrt{2}x}$

*Мысал 2.*  $y^{IV} + 2y''' + y' = 0$

а)  $k^5 + 2k^3 + k = 0 \Rightarrow k(k^2 + 1)^2 = 0 \Rightarrow k_1 = 0, \quad k = \pm i$  - екі еселі түбір.

б)  $k = 0 \Rightarrow y_1 = 1, \quad k = \pm i \Rightarrow y_2 = \cos x, \quad y_3 = \sin x, \quad y_4 = x \cos x, \quad y_5 = x \sin x.$

в)  $y = C_1 + C_2 \cos x + C_3 \sin x + C_4 x \cos x + C_5 x \sin x.$